

方飛天下觀大勳保舉雲凝靈府名入真階  
斷殺辟糧食至和陰陽之氣燒香接乎入太  
室璇璣之門道達上清超凌三界得證無為  
之果永除墮業之侵上願

國祚興昌帝圖安鎮海宇即臻於康靜黎民  
共樂於昇平歲時倉箱物無疵厲息波所及  
幽顯俱霑各遂攸宜咸得其所臣等功圓六  
度道證三使谷隱寒棲克登真果上明  
天尊大慈之澤下副臣等皈命之誠謹啓以  
聞

十二願

復鑑

謹攝香官使者左右龍虎君侍者諸靈官當  
令臣向來午朝行道之所自然生金液丹碧  
芝英百靈衆真交會在此香火爐前當願十  
方仙童玉女接待蘭煙傳臣向來所啓之誠  
速達徑御

至真無極大道

昊天玉皇上帝御前

出堂頌

出戶

道門科範大全集卷之七十一



道門科範大全集卷之七十二

道士修真謝罪儀

晚朝行道

法事陞壇如式

各禮師存念如法

宣衛靈咒

五星高耀 瑞氣飛浮 元始集神 天地交周  
玉符寶籙 嘯命微幽 擲大揚威 奸凶無留  
萬魔振伏 紛葩却消 推怪滅惡 道惡周流  
神光照夜 陰翳俱收 萬神降格 扇景兼臨  
羣生咸遂 惠遍神州 與道合真

鳴法鼓二十四通

無上三天玄元始三炁太上道君太上老君  
召出臣等身中三五功曹左右官使者左右  
捧香騎龍騎吏侍者金童傳言散花玉女五  
帝直符直日香官合三十六人出出者嚴裝  
顯服冠帶垂纓關啓玄壇上地方域神真臣  
今落景行道謹奉為入香其諸情悃已錄奏  
聞願得  
太上十方至真道炁靈寶瑞光下降流入臣

0-1685 (150) 1

身中令臣所啓速達徑仰

太上無極大道

昊天玉皇上帝御前

請稱法位

具位臣某與合壇眾官等謹同誠上啓

三清上聖十極高真十方太上靈寶天尊消  
德滅罪天尊大慈延壽天尊長生保命天尊  
九霄自然生神上帝度人太皇三十二天上

帝諸天尊諸天上帝上清日月星斗河漢

羣真三官四聖五師三省真君九天天尊諸

位真君歷代傳宗啓教諸大師真雷靈神虎

天醫諸司官將太上諸階經籙中仙官將吏

天下名山洞府得道神仙地府酆都大帝幽

陰聖眾水府扶桑丹林大帝浪苑真仙人元

五嶽五天聖帝酆都地祇合于元帥太歲土

火溫司聖眾州縣城隍主者當境廟社神祇

福庭土地真官法壇諸司官將四界直符功

曹使者醮筵主宰合座感靈恭望洪慈洞回

昭鑒臣與眾等仰承聖澤得被真風披三洞

之真文奉九清之玉檢晨興彌潔夕惕修持

蓋從受道之初約以建功為本再肅威儀於  
清夜恭陳凡悃於紫宸瞻望真符導迎景貺  
將祈監盼用副齋精行道詞誠謹當宣奏

宣詞

諦詳詞語灼見誠情諒叶真慈必關聖監正

一道士某叨逢景運獲仰真宗荷聖主之洪

思出家入道沐

天尊之慈澤潔志修行佩受靈文稟修玄教

未造冲玄之妙有虧習鍊之勿罪目易彰福

田難備用專誠而薦歛庶引咎以自新恭校

壇場精嚴應席法三洞焚修之格披十華朝

會之儀演陽法音敷揚大範莫不諸天齊到

五帝列言賞錄功勤克期通感以今落景行

道請法眾等運茲初捨上香願此香烟騰空

徑上供養

九品高真十方上聖臣等皈身皈神皈命以

是功德上祝

今上皇帝伏願堯天廣覆舜日增明保生延

不拔之基五山鞏固司命益無疆之壽歷劫

綿長國安民豐欣樂乎太平之世臣忠子孝

敦睦乎大有之年解多彌邪屈軼指佞慶雲  
呈瑞景曜示祥天威振大羊之羣五兵戰戩  
土宇復關河之廣九域同文今故燒香自皈

依

道尊大聖眾至真之德得道之後昇入無為

和與道合真

以今落景行道請法眾等運茲二捨上香願

此香烟騰空徑上供養

九品高真十方上聖臣等皈身皈神皈命以

是功德歸流道士某家九玄滯識七祖神儀

咸承浩蕩之恩並證道遠之果丹臺絳闕景

侍玉皇霞殿雲房親朝大帝聽天鈞而自得

吟大洞以忘機惠被無涯福資來裔三師四

友俱陟仙階九夜三途咸登道果今故燒香

自皈依

經尊大聖眾至真之德得道之後昇入無形

和與道合真

以今落景行道請法眾等運茲三捨上香願

此香烟騰空徑上供養

九品上仙十方上聖臣等皈身皈神皈命以

是功德歸流道士其身中伏願道性圓明聖心開發行運不違於坎壻相貌長新流年永絕於凶衰鬼神廢祐喜怒不留於肖臆精神內固於丹田養浩如春住世生身之難老虛心契道超凡入聖以長存今故燒香自皈依師尊大聖衆至真之德得道之後昇入無形和與道合真

懺方 命魔 步虛 三禮

重稱法位

具位臣某與合壇衆官等謹重誠上啓

虛無自然元始天尊太上大道君太上老君昊天玉皇上帝勾陳天皇大帝北極紫微上帝承天效法后土皇地祇道經師三寶天尊上窮圓蓋之高真下極方輿之主宰懸筵列聖一切真靈恭望洪慈洞回昭鑒臣等伏聞混淪蕩蕩變通莫得而為先芒明開闢闢於斯而是判皇人筆傳於大梵後聖總著於靈圖大象聿成洪源肇判散精則開明三景下鎮則敷落五篇典詰旁流淵微遠布萬神敬聽品物咸以臣等生稟至愚服膺上學遵

依玄教對越上真自冀命以修身常飾躬而肆業金文玉札粗識於筌蹄聖域仙階莫窺乎影響唯堅誠信冀獲感通真格敷陳尊靈必降道士系託身道域切庶霄真未能謝絕於塵寰徒自沉迷於世網奈經佩戒雖加策勵之心密行陰功尚缺進修之力機靈素昧衆善非緣習氣未除諸緣常染細行分門於八百未見指歸威儀備列於三千曾無精進業根深固道果難成未登悟解之門恐墮塵勞之障今則首體投地晨夕告天稽按明科嚴陳淨懺經關玉及像禮金容靈音振空洞之章黎土集寶珠之衆香傳七驛達誠悃於虛皇燈燦九微破幽昏於夜壑曲盡熏修之志不違朝賀之勤以格真靈克諧昭應萬神侍衛三界監觀奏簡去都列言丹陛伏覲勅下三界普告諸天降福流恩延生保命智通玄悟永息昏迷厚祿遐齡常居法慶和平寃咎消解災凶五行無刑剋之殃三景息照臨之會上解璇璣天文宿曜十二分次之厄下解山川嶽瀆九宮八卦分野之災夙罪積愆

深殃重累前究往債故殺誤傷三業六情無邊過咎自今懺謝咸乞蕩除上願

帝道永安洪基益茂三光朗照四序均調包舞海以涵濡廣堯曠而照燭五風十雨常滋物產之豐八穀九黍大足農民之望氣無繆整歲免災氛普及羣生考賢九有咸承道果俱契真乘則上明天尊大慈之化下副弟子謝罪之誠謹啓以聞

十二願

復爐

謹攝香官使者左右龍虎君侍香諸靈官當令臣向來落景行道之所自然生金液丹碧芝英百靈衆真交會在此香火爐前當願十方仙童玉女接待蘭煙傳臣向來所啓之誠速達徑御至真無極大道昊天玉皇上帝御府出堂頌 出戶 道門科範大全集卷之七十二